



Ukununga
Inatsisartuni ilaasortat

Immikkut uuttusersuinissaq pillugu UPA 2016/53-ip siullermeerneqarneranut atatillugu apeqqummut akissut

Immikkut uuttusersuinissaq pillugu imm. 53 20. april 2016-imi Inatsisartuni suliarineqarpoq. Inatsisartuni ilaasortat siullermeerinermi suliaqarluarnerannut qutsavigerusuppakka, aammalu 11. maj 2016-imi immikkoortup aappasaanneernejarnissaanut Sanaartornermut Ataatsimiititaliap isumaliutissiisutaata tignissaa qilanaaraara.

29-04-2016
Sags nr. 2016 - 5824
Akt. nr. 2618603

Postboks 1614
3900 Nuuk
Tlf. (+299) 34 50 00
Fax (+299) 34 54 10
E-mail: paian@nanoq.gl
www.naalakkersuisut.gl

Immikkoortup 20. april 2016-imi suliarineqarnerani Partii Naleraq sinnerlugu Inatsisartuni ilaasortaq Anthon Frederiksen apeqquteqarpoq, taannalu allakkatigut akisassanngorlugu innersuuppara.

Anthon Frederiksen ilisimatitsivoq, Partii Naleraq ilisimatinneqarsimasoq, inissiarsuit pisoqaanerusut ilaanni kiassarnermut uuttusersuisoqarsimasoq, taakkulu kingusinnerusukkut piiqqinneqarsimasut, aammalu Anthon Frederiksen aperivoq, tamanna Naalakkersuisut ilisimasimaneraat?

Inissiani pisoqaanerusuni immikkut kiassarnermut uuttusersuisoqarsimaneramik, tamatumalu kingorna piiqqinneqarsimasunik Naalakkersuisut ilisimasaqanngillat.

Kisiannili INI-mit ilisimatitsissutigineqarpoq, Nuummi (Nuussuarmi) 2004-mi inissiani 170-it missaanniittuni immikkut kiassarnermut uuttusersuisoqarsimasoq, kisiannili kiassarnermut uuttuut taakku tamatuma kingorna atorneqalersimanngitsut. Ilisimatitsissutigineqarpoq, kiassarnermut uuttuutit taakku ullumikkut atorneqalissagunik tunngaviusumik iluarsineqartariaqartut. Kisiannili taamatut iluarsineqassagunik tamanna Danmarkimi pisussaavoq, tamannalu pissutigalugu tamatumunnga aningaasartuutissat eqqarsaatigalugit pisuni aalajangersimasuni inissiani taakkunani nutaanik kiassarnermut uuttusersuinissaq imminut akilersinnaanerunnginnersoq eqqarsaatigineqarsimasoq.

Neriuppunga matuma siuliani akissutiga apeqqutigineqartumut naammassasoq, pisariaqartinneqassappallu soorunami itisiliisinnaavunga.

Inussiarnersumik inuulluaqqusillunga

Mala Høy Kúko